



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De introitu, Kyrie eleyson & Gloria in excelsis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

DE INTROITV, KYRIE ELEISON,
& Gloria in excelsis.

IV.

I. **D**UM dicit, *Aufer à nobis, &c.* Celebrans junctis manibus ascendit ad medium Altaris & ibi inclinatus, manibusque item junctis super eo positis, ita ut digiti parvi dumtaxat frontem seu medium anterioris partis tabulæ sedimenti mensæ Altaris tangant, residuo manuum inter Altare & se retento pollice dextro super sinistrum in modum Crucis posito (quæ omnia semper observantur, cum manus junctæ super Altare ponuntur) secretò dicit, *Oremus te Domine, &c.* & cum dicit, *Quorum reliquie hic sunt,* osculatur Altare in medio manibus extensis æqualiter hinc inde super eo positis: quod semper servatur quando osculatur Altare; sed post Consecrationem pollices ab indicibus non disjunguntur: In omni etiam de osculatione sive Altaris, sive Libri, sive alterius rei, non producitur signum Crucis pollice vel manu super id quod osculandum est.

2. Oscu-

2. Osculato Altari accedit ad cornu
ejus sinistrum, id est, Epistolæ, ubi stans
versus Altare, & producens à fronte ad
pectus signum Crucis, incipit intelli-
gibili voce, *Introitum* Missæ, & prosequi-
tur junctis manibus. Cùm dicit. *Gloria*
Patri, tenens junctas manus, caput incli-
nat versus Crucem, Cùm repetit *Introitum*,
non signat se ut prius: & eo repeti-
to, junctis manibus ante pectus accedit
ad medium Altaris, ubi stans versus il-
lud similiter manibus junctis, dicit ea-
dem voce ter *Kyrie eleison*, ter *Christe elei-
son*, & iterum ter *Kyrie eleison*, alternatim
cum ministro. Si minister, vel qui inter-
sunt, Celebranti non respondeant, ipse
solus novies dicit.

3. Dicto ultimo, *Kyrie eleison*, Sacer-
dos stans in medio Altaris, & manus ex-
tendens, elevansque usque ad humeros,
(quod in omni manuum elevatione ob-
servatur) voce prædicta incipit, si di-
cendum sit, *Gloria in excelsis*, cùm dicit
DEO, jungens manus, caput Cruci incli-
nat: quo erecto, stans junctis manibus
ante pectus, prosequitur usque ad finem.
cùm dicit, *Adoramus te, Gratias agimus ti-
bi,* &c.

bi, &c.

bi, & Iesu Christe, Suscipe deprecationem nostram, & iterum, Iesu Christe, caput Crucis inclinatur. Cum dicit in fine, cum Sancto Spiritu, seipsum à fronte ad pectus signat, interim absolvens, In gloria Dei Patris. Amen.

4. In Missa solemni Sacerdos facta Confessione ascendit cum Ministris ad medium Altaris: ubi dicto, Oramus te Domine, & osculato Altari ponit incensum in thuribulum, ministrante Diacono naviculam, & Thuriferario thuribulum. Diaconus parum inclinatus versus Celebrantem, dicit, Benedicite, Patres reverende: & osculatur cochlear & manum Celebrantis ante & post Celebrans ter incensum ponit in thuribulum, dicens interim: Ab illo benedicaris, & deposito cochleari producens manu dextra signum Crucis super thuribulum, illud benedicit. Postea Diaconus dimissa navicula, accipit thuribulum & dat Celebranti, osculata prius catenularum summitate, & manu illius dextera. Qui facta Crucis profunda reverentia eam ter incensat, nihil dicens: & facta iterum Crucis reverentia, incensat Altare, ter ducens thuribulum aequali distantia, prout distribuuntur candelabra, à medio ejus usque ad cornu

Episto-

Epistola: ubi demissa manu, thurificat illius postremam partem inferiorem, mox superiorem, bis ducto thuribulo, & conversus ad Altare elevans manum, incensat ejus planitiem, seu mensam in parte anteriori, ter ducens thuribulum usque ad medium: ubi facta Cruci reverentia procedendo thurificat aliud latus Altaris triplici ductu usque ad cornu Evangelii: & par iter incensata inferiori, & superiori parte ipsius cornu Evangelii duplici ductu adhuc stans ibidem elevat thuribulum & ter incensat superiorem tabula partem versus medium Altaris, ut fecit in cornu Epistola: deinde manu aliquantum demissa, incensat anteriorem ejus partem seu frontem, ter ducens thuribulum, dum procedit à cornu Evangelii usque ad medium Altaris: & facta Cruci reverentia, incensat similiter triplici ductu reliquam partem anteriorem usque ad cornu Epistola: ubi reddito thuribulo ipsi Diacono, ab eo ipse solus incensatur

5. Si verò in Altari fuerint reliquia, seu imagines Sanctorum, incensata Cruce, & facta ei reverentia antequam discedat à medio Altaris, primum incensat eas, quae à dextris sunt, id est, à parte Evangelii propè Cruceem, bis ducens thuribulum, & iterum facta Cruci reverentia, similiter incensat bis alias, quae sunt

sunt à sinistris; hoc est, à parte Epistola: deinde prosequitur incensationem Altaris, ut suprà ter ducens thuribulum in unoquoque latere, etiam si in eo essent plures reliquie, vel imagines, seu etiam plura vel pauciora candelabra.

6. Si in Altari fuerit tabernaculum sanctissimi Sacramenti, accepto thuribulo antequam incipiat incensationem, genuflectit; quod item facit quotiescunque transit ante medium Altaris.

7. Diaconus & Subdiaconus hinc inde assistunt Celebranti dum incensat, & cum transeunt ante Crucem, semper genuflectunt. Deinde Celebrans, Diacono à dextris ejus, Subdiacono à dextris Diaconi stantibus in cornu Epistola legit Introitum, & Kyrie eleison, Cum verò intonat hymnum, Gloria in excelsis Deo, Diaconus & Subdiaconus, unus post alium, stant à tergo Celebrantis: postea ascendunt ad Altare, & hinc inde, Diaconus à dextris, Subdiaconus à sinistris, cum Celebrante hymnum submissa voce prosequuntur usque ad finem. Quod etiam servatur cum dicitur, Credo, & cum dicitur, Dominus vobiscum, Oratio, Præfatio, & Pater noster, Diaconus & Subdiaconus stans unus post alterum à tergo Celebrantis.

ANNO:

 ANNOTATIONES.

In 1. paragr. delinquunt superimponentes Altari vel etiam ipsi Corporali totaliter manus junctas, cum secundum dictam Rubricam digiti parvi supra mensam seu tabulam Altaris non sint ponendi, sed summitates digitorum annularum tantum.

Deinde in eodem offendunt §. qui osculari volentes Altare vel librum, vel aliam rem, prius manu crucem formant super Altare, librum vel rem illam.

In 2. paragr. delinquunt qui Introitum & reliqua in cornu Epistolæ dicenda, stantes in ipso medio Altaris dicunt, vel versa facie ad angulum dicti cornu.

Standum est autem unum passum procerum à medio Altaris, versa facie, directè versustabulam Altaris.

In Missa solenni dum thurificatur Altare, ab Acolytha teneatur extra Altare Missale cum pulvinari seu pulpito.

Celebrans non canat *Gloria in excelsis*, alio modo ab illis in Missali, vel tabella Secretaria notatis.